



Сунъий равишда ўстирилган гўшт ва бошқа хужайрали технологияларнинг таркалиши бундай махсулотларнинг халоллигига оид жиддий саволларни тугдиради - араб минтақасида гўшт танкислигини тўлдириш учун хужайрали технологияларни жорий этиш тарафдорлари диний жихатдан консерватив ахоли каршилигига дуч келишмоқда.

Сунъий гўшт «пробиркада» хайвон хужайраларини биотехнология, тўкима муҳандислиги ва синтетик биологиядан фойдаланган ҳолда етиштириш орқали яратилади. Аслида, лабораторияда етиштирилган гўшт ҳеч қачон тирик хайвоннинг қисми бўлмайди, шунинг учун унинг халоллиги ҳақида саволлар тугилади.

«Баъзи диндор одамлар бунга қарши. Тўғри сўйилмаган гўштни пайдо бўлиши гоёси диний тафаккур ва таълимотга зид бўлиши мумкин ёки унга мос келиши мумкин», - дейди саноат эксперти Седрик Дау.

Хозирча сунъий равишда ўстириладиган гўшт мавзусида аниқ ва узил-кесил бир фатво чиқарилмаган - илоҳиётчилар эҳтиёткорлик билан ушбу масала бўйича изоҳ беришдан бош тортишди, - деб ёзади IslamNews сайти Arabian Business га хавола қилган ҳолда.

«Пробирка гўшти» нинг йирик инвестори, шахзода Холид бин Алвалид бин Талал, ислом олими бўлмаган ҳолда, бундай махсулот шариатга риоя қилиш билан боғлиқ муаммоларга дуч келмайди деб ҳисоблайди. – «Оддий гўштни сўйишдан олдин «бисмиллоҳ»ни айтиш керак. Хужайралар намунасини олишдан олдин ҳам худди шу нарсани айтишингиз мумкин», - деб таъкидлайди шахзода.

Нима бўлганда ҳам, Мисрнинг Ал-Азхар ва Амирлик Фатво бўйича бошқаруви тарафидан сунъий гўшларга руҳсат берадиган ёки тақиқладиган фатво хали чиқарилмаган.